

《續修四庫全書》編纂委員會編

續修四庫全書

上海古籍出版社

六〇三・史部・地理類

讀史方輿紀要一百三十卷（卷三十九至卷四十六）

〔清〕顧祖禹撰

.....一

山西方輿紀要序



山西之形勢最為完固關中而外吾必首及夫山
西蓋語其東則太行為之屏障其西則大河為之
襟帶於北則大漠陰山為之外蔽而勾注雁門為
之內險于南則首陽底柱析城王屋諸山濱河而
錯峙又南則孟津潼關皆吾門戶也汾澮縈流於
右漳沁包絡于左則原隰可以灌注漕米可以轉
輸矣且夫越臨晉泝龍門則涇渭之間可折華而
下也出天井下壺關邯鄲井陘而東可以壯吾

所向乎是故天下之形勢必有取丁山西也吾蓋
徵之春秋之世而知所以用山西者矣叔虞之初
封于唐也不過百里之國其後并兼弱小漸以盛
強獻公信驪姬之讒申生死而重耳逐當是時晉
國之危不絕如綫以秦繆之才且智豈不欲兼晉
而有之而勢不能也韓之戰既以獲其君矣而卒
不能入其國豈惟喪君有君之義州兵爰田之制
晉諸臣之才力皆足以抗衡於秦亦其國之險塞
可憑依以為固也及文公以晉霸而天下之征伐

號令且自晉出焉觀於服鄭懾楚晉之兵威遠及
於江漢矣襄公敗秦師於殽秦人報怨之師嘗欲
甘心於晉自襄靈成景厲悼以及平公之世秦晉
河上之戰前後以數十計然秦卒不能得志於晉
當是時秦日以強繆康桓景諸君其材足以爭雄
於中國而成周無恙東諸侯之屬不遂罹秦禍者
不可謂非晉之大有造於天下也及三家分晉而
晉非復春秋之舊矣然而衛鞅之言曰秦之與魏
譬若人有腹心之疾非魏并秦秦即并魏魏必東

徙然後秦可據山河之固東鄉以制諸侯是一魏
猶足以難秦也蓋魏之強以河西安邑而韓之強
則以上黨趙之強則以晉陽及雲中九原自魏去
安邑都大梁而魏始弱矣秦惠文君時魏以河西
之地盡入於秦而魏益弱秦昭襄二十一年安邑
復入秦而魏遂不復振矣秦人既得安得邑乃謀
韓之上黨秦拔上黨之後凡八年而韓遂入朝於
秦又六年攻趙拔晉陽晉陽拔後十九年而三晉
竟亡矣嗚呼秦之能滅晉者以晉分為三而力不

足以拒秦也假使三晉能知天下之勢其於安邑
於上黨於晉陽也如捍頭目而衛腹心也即不能
使秦人之不我攻必當使我之不可攻即不能為
其不可攻必不可遂敵之必我攻合與國以爭之
上也舉國以爭之次也於安邑於上黨於晉陽固
尺寸之地即為其國延旦夕之命也奈何揖冠入
門而不知割己肥敵而不悟使秦人得以坐待其
斃乎然而秦自孝公以後萃六世之力而後能盡
舉安邑上黨晉陽之地亦不可謂不難矣漢都長

安而太原雲中定襄皆屯宿重兵所以鎮撫北方也魏晉之際雁門以北盡皆荒塞而以并州為重鎮及劉淵倡亂於離石關河以南悉被其荼毒晉室之禍自古未有也苻堅之取燕也破壺關克晉陽乃一舉而入鄴拓跋魏起於北荒奄有恒代規取河北吞噬河南既又克統萬平遼東收姑臧縱橫四出無有當其鋒者及南徙洛陽而肩背之勢倒制於巨猾強藩矣是故六鎮跳梁於前爾朱憑陵於後高歡篡竊於終皆自隔達恒代階之禍也

宇文氏與齊人爭於龍門玉壁之間村均勢敵卒不能越關河尺寸及周人克有平陽進拔晉陽而慕容之轍高齊復蹈之矣隋以漢王諒之亂列戍太原建置留守唐公乘之引兵而西克臨汾渡龍門撫定關隴於是東鄉而爭天下勢如建瓴也劉武周資突厥之助盜據馬邑一旦越雁門而侵并晉太宗投袂而起奮其雄武亟削平之誠以并晉為關輔之襟要卧榻之旁不可以假他人耳河北連兵太原如故故李郭藉為根本得東向以滅安

史唐末李克用資之雖艱難孱弱卒能自振存最
夾河之戰不過十五年而梁之君臣函首以告先
王矣石敬瑭據有晉陽卒易唐祚劉知遠繼之復
承晉社其後劉崇以河東十州之地矯命者垂三
十年以周世宗之英武宋太祖之雄畧而不能奏
芟除之烈也女真竊入雲中進陷朔代張孝純以
太原拒守雲中之寇未敢南牧也及孤城覆沒敵
勢益張遂速青城之辱迄於取河中渡臨晉而永
興六路一時摧敗矣元末擴廓據晉冀太祖取之

乃在克氏平元都之後國家定都於燕而京師之
安危常視山西之治亂蓋以上游之勢係於山西
也曰山西之形勢誠重矣然昔人有言殷紂之國
左孟門右太行常山在北大河在南而武王殺之
且高幹不能以并州拒曹魏劉琨不能以并州制
劉石靳準竊平陽而旋斃於劉曜楊諒起晉陽而
卒蹶於楊素惡在其為險固者也曰成敗相乘也
如轉圜也使謂形勢可恃是終古無覆亡之國也
且不聞朱子之說乎冀州山川風氣所會也昔者

堯都平陽舜都蒲阪禹都安邑蓋自昔帝王嘗更
居之矣曰然則山西可以建都否乎曰天下之事
創起為難燕京襲遼金元之故轍乃曰取法於黃
帝也山西有堯舜禹之成謨乃曰漢唐以來未有
建都者也庸人之論不究本末如此夫山西之與
燕京又烏可以同日語哉

讀史方輿紀要



山西一

古曰冀州舜分置十二州此為并州應劭曰地在

曰并州亦曰衛水常水之間也禹貢仍曰冀州其

今衛水常水俱見北真真定府

險易帝王所都亂則冀安弱周禮職方正北曰并

則冀強荒則冀豐故曰冀州

州成王封叔虞于唐此為晉地戰國時為趙地亦

兼韓魏之疆今平陽府故魏地潞安府遠其在天

澤二州故韓地皆入于秦

大昂畢則趙分野韓魏分野見秦并天下置太原

河南沿革

河東上黨代雁門雲中等郡漢武置十三州此亦
為并州其河東郡則屬於司隸後漢以并州治晉陽靈帝時
羌胡大擾定襄雲中等郡並流徙分散獻帝時省
入冀州魏黃初中復置并州自陞鎮以北並弃之
晉亦置并州惠帝時為劉淵所殘破其後劉曜徙
都長安平陽以東陷沒于石勒及苻堅姚興赫連
勃勃之際並于河東置并州姚興時又嘗分河東
置并冀二州及後魏以後分析益多不可得而詳
也隋亦置十三部而不詳所統唐貞觀中置河東

道開元中國之

移治蒲州

天寶初又置河東節度使于

并州及五代時李克用石敬瑭劉知遠代有其地

並主中國周廣順初劉崇據其地宋太平興國四

年始克平之仍置河東路而雁門以北則屬于契

丹為西京路金人分置河東北路河東南路及西

京路

北路治太原南路治平陽西京路治大同

元亦分為冀寧晉寧大

同等路直隸中書省

謂之腹裏

國朝洪武元年置山西

行中書省于太原九年改為山西等處宣布政使

使司今領府五直隸州十六縣七十九

為總

里四千四百有奇夏秋二稅約而藩封衛所忝列

二百三十一萬四千八百有奇

其中

今仍為山西布政使以直隸之保安延安二

藩封凡三

晉高三封太原

代高三封大同

藩十一封潞安

太原府屬州五縣二十

陽曲縣附郭太原縣榆次縣

太谷縣祁縣徐溝縣